


არეოლოგიკო

879.

მუზეუმი



№ 4

ყოველკვირეული სალიტერატურო ჟურნალი

№ 4

მიიღება ხელის მოწერა 1910 წ., ვინც ამ თავიდან გამომდინარე და იანვრის განვლამდე მთელი წლის ფულს შემოიტანს კამიათ მიეცემა

სტეპანიაკის მოთხ. „სახლი ვოლგის ნაპირზე“.

წიგნი თებერვლის დამლევს დაურიგდება ხელის მომწერლებს

ზინაარსი: ვ. მალაქიაშვილი—ლექ. საახალწლო იმედი. ფარ-მანი—მოგონება, კ. გოგოლაძე—ლექ. სასაფლაო-ზე; —ელი—ეტიუდი—მომილოცნია; ივ. გომ. რთელი—სალიტერატურო მიმოხილვა; ბ. გილა—ლექ. ხმები; ირითი-ლი—ურწუბუნოს დღიურიდან; ნ. ჯომალთელი—ლექ. ამონაკენესი; ვ. რუშაველი—ლექ. პრ. მიყვარს ადგილი; დ. თუხადოსპირაძე—ლექ. ბაღში; ნარკანი—მოთხ. ფხიზელი დარაჯი.

საახალწლო იმედი.

შავა ყოვანო, შორს, შორს გასწიე!
არ დაგინახო, ქვესკნელს ჩაფრინდი!
კვლავ არ დამისხო უვა-უვა საზარი,
არ მოაყენო გულს შავი ბინდი.

შეხე, იმედი შორათ მოფრინავს,
მოთინათინობს სხივთა მფრქვეველი...
გასწი, გაფრინდა, თავს ნუ დამწხავი
იმედს შეუსარი გუჯით მფველა...

მაღე იმედო, მოდი, მოატყრ,
შე უშენობამ დამის გამაქრას

და ვით ყვაილი ადრე გაშლილი
ვინგამ დამთრთვიდოს, უდროთ ამაზრას!..

მოფრინდი მაღე, ჭკეროვანო,
მომეხმეტებიდე, გულს ჩამიკვესე
და განახლების თესლი, სულის დგმავ,
ნაკურთხის ხეჯით, დროთ ჩამითესე..

ახ, ტუბილ იმედო! მამ შენ ჩემთან ხარ?
კიდევ შეწვიე ამ დღეს ბედნიერს?
კვლავ გულში გიკრავ, გულმეკრდს გიკონი
დაკარგულ სატრფოს, ბაგე მშვენიერს?..

ბედნიერი ვარ შე შენს კალთაში,
ნიაგს მივეცი შავი წარსული..

მანდა შენ გეუმო, თავს შემოგეუმო,
შენით ვათრთოლეო დღეიდან გეუმი...

შო, ბაკე, ღმერთო, ბაკეს შივკრათ,
ფასკუნჯის ფრთებით მადლა აფრინდეთ,
ცის კაბადონში ხამფი ავანთათ
სხივებათ ვიქცეთ, ტანჯულებს მივწვდეთ...

ციური ნახა ერთათ დავმდერათ,
სხივებით ვაშრათ ცრემლების წყარო,
გუნდრუკათ ვექცეთ ტანჯულთ სამსკერბლეს
ჩემო ძვირფასო და სულზე მტკბარო...

მაშ ფრთას ფრთა, იმედო, მაგრათ შემოვკრათ,
ზეცას ავსტურათ, ჩანგი ვაუდერათ!..
ახალის ძახილით, ახალის წლიდან
საბედნიერო ჭიმი დავმდერათ...

ვ. მალაქიაშვილი

მ ო გ ო ნ ე ბ ა

რამდენიმე გულითაღმა ამხანაგებმა გადაწყვიტეთ, რომ ერთად შევხვედროდით ახალ წელს. ამ უკუღმართ ცხოვრებაში იშვიათად მოიცილი კაცი დროს გასატარებლათ და ამხანაგებთან გულის გაახსნელათ; ასე რომ ამ გადაწყვეტილების სისრულეში მოყვანას დიდის ალტაცებით მოველოდით. ახალ წელიწადის წინა დღით, სწორეთ ახალი ამდგარი ვიყავი და ჯერ კიდევ ხელ-პირი არ დამებანა, რომ ჩემი ოთახის კარები გაიღო და შემოვიდა ბეგლარი, ჩემი საუკეთესო მეგობარი, რომელიც სამი წელიწადია არ მენახა, და რომელიც ეს ეს არ-ს ეხლა დ ბრუნებულოყო ციმბირიდან. (ამ რამდენიმე წლის წინეთ ბეგლარი, ბევრის წვალეებისა და ციხეებში თრევის შემდეგ გადასახლებული იქნა ციმბირში.)

ჩემს სინაზულს სამზღვარი არ ქონდა: ვიცოდე, რომ სუყველა ამხანაგები დიდის სიყვარულით მიეკებებოდენ მას და ამისათვის, პირველი ალერსიანობის შემდეგ, მე პირდაპირ განვუცხადებე ბეგლარს, რომ ამალამ თითქმის ყველა ამხანაგები ერთად გავატარებდეთ სალამოს.

დანიშნულ დროზე კიდევაც შევიყარეთ თავი. ამხანაგებს დიდათ გაეხარდათ ბეგლარის ნახვა.

— ბიჭო, ახალ წელიწადთან ერთად ახალი მოსულოც შეგვეძინაო, ხუმრობდენ ზოგიერთები. ბეგლარს ცოტა სიჩუმე დასჩემებოდა და ძალიან ძვირადაც იცინოდა. ეტყობოდა, ბევრი ქირ-ვარამის

გამოცდას თავისი დალი დაეჭლო მისთვის.

თორმეტ საათს ბევრი აღარ უკლდა, როცა უფრო ხნიერმა ამხანაგათაგანმა სტოლზე მიგვიწვია და სტაქნები გავვაშვია. ცოტა კიდევ და შოისმა ზარბაზნის ხმა, რომელიც აუწყებდა მთელ ქალაქს ახალი წლის დაბადებას. იასემაც (ასე ეძახდენ ხნიერ ამხანაგს) სტაქანი მოიმარჯვა და ის იყო სიტყვა უნდა დაეწყო... მაგრამ ჩემ გვერდით მდგომ ბეგლარს უცებ ხელიდან სტაქანი გაუვარდა და მოსხლეტით დაეცა სკამზე. მას თვალები დახუჭული ქონდა, სახე საშინლათ დამანჭოდა და კვდრის ფერი ედო. შეიქნა ერთი აურ-ზაური, ამხანაგები ზოგი გაიფანტენ; ზოგი მივცვივდით და მობრუნება დავუწყეთ. როგორც იყო ბეგლარი გონს მოვიდა და მთხოვა სახლში წამომეყვანა, რაც რასაკვირველია, ავუსრულე.

გზაში ის სულ მთლად გამოკეთდა, ასე რომ, როცა სახლში მივედით, ის თავს ჩვეულებრივად გრძნობდა.

— კაცო, რა მოგივიდა, რაზე დაგვიხეთქე გულები? შევეკითხე მე ცოტა საყვედურის კილოთი, რადგან მწყინდა თან ამხანაგების მიტოვება და თან ის, თუ რატომ წინდაწინ არ გამაგებინა ბეგლარმა თავის შეუძლებლობის ამბავი მეთქი.

— იცი რავითხრა, მეგობარო, დაიწყო ბეგლარმა: ყველა მოგლენას თავისი მიზეზი აქვს; დღევანდელ ჩემ შემთხვევასაც თავისი მიზეზი აქვს და აი ის მიზეზიც:

„სწორეთ ორი წელიწადია მას შემდეგ, რაც ეს ამბავი მოხდა. დიდხანს ეტაპით თრევის შემდეგ მიმიყვანეს № ციხეში. სწორეთ დღეის დღე იყო. დაღლილობის გამო ციხის მიდამოების დათვალიერება ვერ შევძილი. მახსოვს კი, რომ ციხეს კარგა მალალი გალავანი ქონდა შემორტყმული, ასე რომ გაშენებული სახლის მეორე სართული ძლივს მოსჩანდა. როგორც ბალოს შევიტყვე იქ სამხედრო კლუბი ყოფილიყო გაშენებული. მე და სამი სხვაც ერთ პატარა კამერაში მოგვათავსეს, დაღლილობის გამო მე არ გამიხდია, ისე მივეგდე „ნარზე“ და დავიძინე. ჩემ ამხანაგებსაც ასე მოვუვიდათ.

უცებ საშინელი ხმაურობა გამოძვინდებ... ეს არის ახალ-წლის ზაობაზანი.

ეს კი ჩვენ ეზოშია, ეტყობა. ვაღვიძებ ამხანაგებს, და ვიწყობთ თათბირს რას უნდა ნიშნავდეს ეს ხმა? თითქო ეს ხმა გზას უვლის და ჩვენს ფაჯარას უახლოვდება... თან და თან, თან და თან... ავერ ქრაქის სინათლეც გამოჩნდა. ოხ, ღმერთო ჩემო ეს რა არის? თვალებს ვისრეს ხე-

ლით, რომ დავრწმუნდეთ, ხომ არაფერი მელანდებ-
 ბა ოთხივეს ხმა გაკმენდილი გვაქვს, განძრევა
 გვიჭირს, ოთხივეს რალაც გვიჭირს ყელში...
 ვხედავთ ღვდილს, შავით შემოსილს, მას უკან
 ბორკილებიანი ახალ-გაზდა მიყობა, იქიო აქეთ ხიშ-
 ტიანი სალდათები. მოსამსახურე რკინის კარებს
 ადებს... ეს არის „შავი გზა“. ეს რა მოსჩანს
 შვაზე ამართული? ოჰ, საშიშროება, ეს სარჩობე-
 ლაა ამ ჭაბუკის ჩამოსახრჩობათ აგებული. ტანში
 ჟრუანტყლმა დამირბინა... ბორკილებიანმა დაინა-
 ხა ეს საზარელი სანახავო... და ზცებ მუხლები
 მოიკეცა.

მას ძალათ მიატრეფინ სარჩობელას საფეხურ-
 თან. აგერ ვილაც წითლიანი კაცი მიუახ-
 ლოვდა, თეთრი გადააცვა თავზე... ღვდელმა
 ჯვარი გადასახა. ახალ-გაზრდამ ერთი ფეხი
 წინ წადგა და საშინლათ შებღავლა. ოჰ, ამხა-
 ნაგო! იცი რა იყო იგი ბღავილი? ტანჯული სუ-
 ლის ამოხვრა, საყვარელი დედის მოწოდება,
 სატრფოსთან გამოსალმება, შიშის ზარის განცდა,
 ცხოვრებასთან კავშირის გაწყვეტა, სიცოცხლესთან
 გამომშვიდობება, ვაჟ-კაცური სიკვდილს დანატრე-
 ბა... ერთის სიტყვით ყველაფერი გამოიხატებოდა
 ამ ბღავილში.

ბეგლარი ისე აღეღდა და ისე გაფითრდა,
 რომ მე შემეშინა, კიდევ არ წაუვიდეს გულიმეოჯი.

მე ხელათ წყლიანი სტაქანი მივაწოდე, რო-
 მელც მან მოსვა, მძლავრათ ამოითქვა სული,
 თითქოს ვილაც კისერში ხელს უჭერდა და ეხლა
 განთავისუფლდა, და განაგრძო.

„იმ ხმის გაგონება და ჩემი წაქცევა ერთი
 იყო. არ მახსოვს რამდენ ხანს ვიყავი გოლწასული,
 როცა ამხანაგებმა მომასულიერეს, მე ინსტიტუტრათ
 ფანჯარას მივარდი, რომ დამენახა ყველაფერი, რაც
 ხდებოდა, „შავ გზაში“ სახრჩობელას ირგლივ ჯარი
 ეყენა. „შუა ამალღებულ ადგილზე წითლიანი ჯა-
 ლათი იდგა და მის ახლო კოწიალობდა თოკით
 გამოკიდული ადამიანი... გესმით, ადამიანი! ის იხ-
 რჩობდა და მშველელი არავინ იყო!.. უცებ ჩამო-
 კიდულმა ფეხები გაიქნია, და ერთი ალბათ ჯალათს
 მოხვდა... ის ვეფხვივით სწვდა წარღში, ჩამოკიდულს,
 შამოგებია ტლანქი ხელებით და თითონაც ზედ
 დაეკიდა... მე ხელ-მეორეთ დამიბნელდა თვალები
 დატრიალდა ქვეყანა და ვიგრძენ, რომ ვილა-
 ცა სადღაც მიმათრევდა... სხვა აღარაფერი მახსოვს.
 როცა გონს მოვედი, ყველაფერი გათავებულიყო.
 მახლობელ სახლიდან კი მოისმოდა მუსიკის ხმა,
 „მრავალ ჟამიერის“ მღერა და „ურა“ს ძახილი.

ეტყობოდა ახალ წელს მხიარულათ ეგებებოდენ.
 ჩემი ამხანაგები საშინლათ კანკალობდენ და ციფ-
 ოფლში იყვენ გაწურული. ორი დღე გავაჩერეს
 კიდევ № ის ციხეში და ორი სიტყვაც არ გვითქვამს
 ერთმანეთისთვის, თუმცა ოთხივე ერთსა და იმავეს
 ვგრძნობდით. სიტყვა უადგილოა იქ, სადაც საერ-
 თო გრძნობა გულს გიკლავს ადამიანს!..

აი სწორეთ ზარბაზნის ხმამ მომაგონა ჩემ მიერ
 გადატანილი მძიმე შემთხვევა. არც მე მეგონა თუ
 ხელახლა განმიმეორდებოდა გულის და სულის სი-
 სუსტე, თორემ დარწმუნებული იყავ, მეგობარო,
 მე თქვენ ამაღამინდელ ღამეს არ წაგამწარებდით.

დაასრულა ბეგლარმა და თავი ჩაჰკიდა. მსც
 კრიჭა შეკრულივით ვიჯექი დაგული საშინლად მი-
 ცემდა.

ბოლოს ბეგლარმა თავი აიღო და თვალეზე
 ეტყობოდა რომ კარგა ბლომით ცრემლები დაე-
 ღვარა ამ ბედკრულ ადამიანს.

ფარ-მან.

სასაფლაოზე.

აჰა, კვლავ მოველ; სამუდამო საგანვე კაცთა,
 შენს მიდამოში სევდიანი, ჩაფიქრებული,
 რომ შენ სიმშვიდით, მყუდროებით ოღნავ დავა-
 ცხრო

ჩემი ცხოვრების ზღვის ტალღები აღშფოთებული.
 მიყვარს მე შენი ნაღვლიანი, მწუხარე სახე,
 სევდის აღმძვრელი, მგლოვიარე, დამაფიქრელი,
 იქნებ იმიტომ, რომ მაგ შენი ტურფა მიდამო,
 ვით ჩემი გული, არის ქმუნვის გამომსახველი,
 იქნებ იმიტომ, რომ მეც შენებრ დავობლებულვარ,
 ვით შენს მწვანე ველს დაჰქრის სიო მიმომფრინავი,
 ისე მეც თან მდევს შხამ-ნაღველი, ტანჯვა-ვარამი,
 ასე მეც დამქრის სიმწუხარის, სევდის ნიავი...

განვშორდი ქალაქს, ქალაქს მღელავს, ქალაქს მრი-
 სხანეს,
 სად მსხვერპლათ ქმნილან იმის დამპალ, ბინძურ
 მორევის,

სად ერთის შეება მეორისთვის ტანჯვა-კვნესა,
 სად მოწყენასაც არ განებებს ტალღა ცხოვრების.
 და მოვაშურე ამწვანებულს მაგ შენსა მდგლოს,
 ჩემებრ მოწყენილს, ჩაფიქრებულს, დაობლებულსა,
 მსურს—მას მოვეუბნო ჩემი ტანჯვა, ჩემი ვაება.
 გადავცე იმის ცელქსა ნიავს კვნესა გულისა...

ოჰ, რა მწუხარე, ნაღვლიანი ელფერი გადევს,
 თუმც არას ამბობ, თუმც არ ყვირი მაგ შენს სევ-
 დაზე,
 მარა ეს ჩუმი სიმწუხარე, გამოუთქმელი

რომ უფრო მეტად მტანჯველია ყველა ტანჯვაზე...
აღბათ ბევრ ტანჯვის, უმართლობის მოწმე გაგხა-
დეს,

გაგიხსნეს მკერდი, ნიადაგი ამოგითხარეს
და მწარ ცხოვრების ბრძოლის ველზე სულდალე-
ულნი,
უმანკო მსხვერპლნი შენ მოგიძღვნეს, შენ მოგაბა-
რეს...

დიახ, შენც ჩივი უმართლობას, კაცთა სვაობას,
შენც ჩივი იმას და მიტომაც შენც ნაღვლიანობ,
გულში იფარავ, რაც რომ ქვეყნათ მხეცობა ხდება...
მიგიხვდი განა? ხომ ასეა? ხომ მართალს ვამბობ?...
ასე თვარ არის—ვკითხოთ, აბა, აი ამ საფლავს
განმარტოებით, ვით ობოლი, კორღზე რო არი,
ვკითხოთ, რას გვეტყვის, რას გვიამბობს იქ დამარ-
ხული,

ვკითხოთ, საფლავში რანაირი ჩაყვა მას ჯავრი?...
„ახალგაზდა ვარ, დედა ვარო სამ წვრილი შვილის,
მოსთქვამს, დასტირის იმა საფლავს წარწერა თავზე ..
ლო, პაწიებო, ახლა სად ხართ? ვის მკერდზე გძი-
ნავთ?..“

ვინღა დამღერის ტკბილსა ნანას თქვენსა აკვანზე?...
ვინ გითბობთ ნორჩ გულს მშობლიური ტკბილი
ალერსით,
როცა ავით ხართ,—ვინ წუხს თქვენზე, ვინ გაფრ-
ქვეთ ცრემლებს,
ვის დაუხახებთ აწი „დედას“, ვინ შეგიცვლით მას,
მშობლის წალ მკერდზე ვის მოავლებთ პაწაწა ხე-
ლებს?..

— მარა ეგე ხ იმ წესი არის ბუნებისაო,
წესი უცვლელი, ყველასათვის გარდაუვალი,—
წამოხმაურდა, წაჩურჩულა ნელმა ნიავემა
და ისევ შეწყდა, გაქრა იმის ხმა იღუმალი...
დიახ, წესი... მარა წესი საშინელების
და აღამიანს კიდევ რა სხვა ტანჯვა სჭიროდა,
რომ ცხოვრებასა სხვა ვაებაც წარმოუშვია,
თითქო სიკვდილი კაცთ სარბევით აღარ კმაროდა!..
ჩუ, მოსთქვამს ვილაც... ნაღვლის ხმები, ვით

გლოვის ზარი,
წყნარსა მიდამოს გულში ეკვრის, თავზე ევლება
და იმ მწარ ხმებზე, ტანჯვის ხმებზე, სიავის ხმებზე
მწუხარე არე უფრო მეტად ნაღვლიანდება.

გულზე მიკვრია ახალ საფლავს ტანჯული დედა,
გულ-მკერდსა იხოკს, თიქს იწეწავს, სახეს იკაწ-
რავს
და, გამოუთქმელ ტანჯვისგან აღმოხეთქილი,
მღულარ ცრემლებით პირმშო შვილის რწყავს სა-
მულდო სახლს...

ხან დედობრივი სიყვარულით ელერსება,

მიწას უსწორებს მშობლიური მზრუნველ ხელებით,
ამბავსა ჰკითხავს: როგორ არის—რაც მას მოშორდა,
ხან კი მიმართავს გულის მომკვლელ საყვედურე-
ბით:

„სად გამეპარე, რათ მომშორდი, ნუგეშო შვილო,
რატომ დამტოვე ასე ობლათ ტანჯული დედა,
აწ რალათ მინდა მე უშენოთ ქვეყნათ სიცოცხლე,
ნუ თუ ტანჯული დედა შენი არ გებრალება?..
მარა, იქნება, აქ გერჩინა, ჩემო სიცოცხლევ,—
დასტირის თავზე დედა თავის საყვარელ შვილსა,—
აქ ხომ არავინ არ გაწუხებს, დედის იმედო,
აქაც ხომ არ ცდი სიმწუხარეს, სიცვის, შამშილსა?..“

ჰოი, მშობელო, რამდენია ამ მიდამოში,
ვინც რომ შიმშილმა აქ უღროთთ გამოამგზავრა,
სასტაკ ცხოვრების სიდუხჭირე ნაპირს გარიყა
და აქ შავს მიწას სამუდამოთ ამოაფარა?..
რამდენი არის—ვინც ვერ ჰპოვა ბინა ამ ქვე-
ყნად,


ვეღარ გაუძლო სიმწუხარეს, ტანჯვა-ვაებას
და თვითვე მოსპო იგი ტანჯვა, იგი ვაება,
ბოლო მოულო მის სიცოცხლის დამტანჯველ ღელ-
ვას...

რამდენი არის, დედის ცრემლი არ გაჰყოლია,
მახლობელთ ზრუნვას ვერ ეღირსა უკანასკნელათ
და ცხოვრებაში მუდამ მარტო, მუდამ ობოლი
ობლათ ჩავიდა სამარეში, დაუტირებლათ!..

თავზე ვადგივარ ათს სამარეს გამწკრივებულსა,
აქ შრომის შვილნი ერთ ორმოში განისვენებენ,
იმათ არ უმკობს სამარესა ძვირფასი ძეგლი,
იმათ საფლავსა გვირგვინები არ ამშვენებენ ..
ან რათ სჭირიათ?.. სულ მეტია ეს ხომ იმათთვის:
იმათი ძეგლი—თვით იმათი საფლავი არი
და მათი ხსოვნა იმათ მოძმეთ გულში ჩაჭრილი
სამარადისო, არასოდეს დასაფიწყარი!..

ჰოი, გმირებო, უმართლობის, შიმშილსა მსხერ-
პლნო,
უმაღურ შრომით ოფლსა ღვრადით, მიწას აღბო-
ბლით,
სისხლსა აქცევდით ლუკმა-პურის მოპოებისთვის
და შიმშილს, სიცვის, წყურვილს მაინც ვერ იშო-
რებდით!..

და როცა ტანჯვამ გადმოხეთქა ყოველგვარ საზ-
ღვარს
და მივხვდით რა რომ დამუნჯებით არ-რა კეთდება,—
ხმა აღიმაღლეთ და საერთო დიადსა საქმეს
მტლათ დაუდევით თქვენი თავი, თქვენი ცხოვრება...
თქვენ მოკვდით, მარა ეს სიკვდილი არ არს სი-
კვდილი,
თქვენი სახელი ხალხის გულში მარად იქნება...



და თქვენი საქმეც მოვა დრო და აყვავილდება, ფოთოლს მოისხამს, გაიზდება და გადიდდება... და როცა დაჰკრავს ჟამი იგი, დიდების ჟამი, გაქრება ბნელი, მზე სიმართლის აღმობრწყინდება— პატიოსანნი თქვენი ძვლებიც იგრძნობენ იმას და მის სხივნი თქვენ გვირგვინათ შემოგადგებათ!

კ. გოგოლაძე

მოშილოცნია

(ეტიუდი.)

დასავლეთის ცივი ქარი ზუზუნ ზუზუნით აყრდა ფიფქ თოვლს მიღუმებულ სოფელს. ხან, სეთი სიძლიერით და გაკაპასებული წამოუბერავდა და თოვლის კორიანტელს აყენებდა, თითქო მთელი სოფლის დასამარება უნდაო. სოფელში მკვდრული სიჩუმე იყო. არსაიდან არავითარი ხმაურობა არ ისმოდა. მხოლოდ აქა იქ მბუხუტავ სინათლეზე შეატყობდით, რომ ჯერ კიდევ არ, ეძინათ.

თოვლისაგან მთლად თეთრათ შეფიფქული ბეკო ბილიკაძე მიადგა თავის სახლის კარებს.

—სალომე! სალომე! გააღე ჩქარა კარები, — საჩქაროთ შესძახა მან და ფეხების ბაკუნი დაიწყო, რომ თოვლი ჩამოებერტყა.

კარები საჩქაროთ გაიღო. ბეკო სახლში შევიდა. ცოლი მხაირულათ მიეგება და მზრუნველობით თოვლი ჩამოუბერტყა, მხარზე გადებული ღორის ბეჭი ჩამოართვა და კუთხეში გობზე დასდო.

—შეგცივდა გენაცვალე? შენი ჯავრით აღარ ვიყავი, რათ დაიგვიანე ასე? შეეკითხა ცოლი და სიყვარულით აღსავსე თვალები მიაშტერა.

ბეკო ჩამოჯდა იქვე მოგუზგუზე ცეცხლთან პატარა ხის სკამზე და გაციებული ფეხები სიამოვნებით მიუშვირა ცეცხლს.

—ხომ არ შეგეშინდა გენაცვალე? ისეთი ცუდი ამინდია, რომ მთელი ორი საათია მოვდივარ და ძლივს მოვახწიე.

—მოშვივებული იქნები; გინდა ვახშამი მოგიტანო?

—არა, ჩემო სალომე ჯერ ცოტა დავისვენო და მერე ვივახშმოთ. დღეს ხომ იცი წმინდა ბასილეს დღეა და ტკბილად უნდა ვჭამოთ ვახშამი.

ბეკო ბილიკაძე ერთ საუკეთესო ახალგაზდათ ითვლებოდა მთელ სოფელში. ისეთი მუყაითი და დაუხარელი მუშა იყო, რომ მთელ სოფელში ტოლი არ ყავდა. ერთ უბედურ წელიწადს სოფლად ყვავილი გაჩნდა და სხვებთან ერთათ ბეკოს დედამაც გამოასალმა წუთის სოფელს. დარჩა ბეკო

ღეთის ანაბარა, ობლათ მარტოთ მარტო მისთვის მთელ ქვეყანაზე აღარივინ იყო. ამ დროს ის თექვსმეტ-ჩვიდმეტი წლის ძლივს იქნებოდა. ის დადგა მოჯამაგარეთ ერთ მეზობელ აზნაურთან და ამავე დროს თვალ ყურს ადევნებდა მამის დატოვებულ ოჯახს, რომ არ დანგრეულიყო. რამდენიმე თვის შემდეგ შემოლობა გავერანებული ეზო, პატარა სამხარეულო სახლი ფიჭვის ყავრით გადახურა. გესიამოვნებოდათ, როცა მის ეზოში ჩაიხედავდით. ყველაფერს სიხარულის და მზრუნველობის ხელი ეტყობოდა. თავისუფალ დროს ბეკო მუყათათ მუშაობდა თავის ოჯახში. სამი წლის შემდეგ, როცა ცოტაოდენი ფულეები მოაგროვა, მოჯამაგირობას თავი დაანება და ოჯახს მიუბრუნდა. მუყაით გამრჯელ ბეკოზე სოფლის ბევრ ახალგაზდა გოგოს ეჭირა თვალი, მაგრამ ბეკომ ყველას ახალგაზდა, ცქრიალა სალომე არჩია და დაქორწილდა კიდევ. ამ დღიდან ბეკოს ოჯახს სიცოცხლე დაეტყო. სალომე ციბრუტივით ტრიალებდა და ისე უვლიდა ოჯახს, როგორც საკუთარ შვილს. ორივე მუყაითად შრომობდენ და ცხოვრობდენ ტკბლთ. მათ თავდავიწყებამდე უყვარდათ ერთმანეთი. მათ ტკბილ ცხოვრებას ბევრი შენატროდა.

ბეკომ გაითბო გაციებული ხელ ფეხი, ტანში რაღაც გამოუთქმელი სიამოვნება იგრძნო და სიყვარულით სავსე თვალები სალომეს მიაპყრო.

—სალომე! მოდი აქ ჩემთან.

სალომე მიუახლოვდა, ბეკომ ხელი მოხვია და გატაცებით დაეწაფა მის ცხელ ვარდივით ტუჩებს.

—მოგწყინდა გენაცვალე! შეგეშინდა?

—გული გამისქდა, ასე მეგონა ველარ გნახავ მეთქი.

—რამოდენა ღორის ბეჭი მოვათრიე ხომ ხედავ? ხუმრობა საქმეა ამის მოტანა? გამიჭირდა წაოღება და იმიტომ დამავგიანდა.—იხუმრა ბეკომ.


—მართლა რამოდენია,—ღიმილით წარმოსთქვა სალომემ და ღორის ბეჭი ხელით ასწია—როდის უნდა შევჭამოთ ამდენი?

—ნუ გეშინია კი შევჭამთ, ჩემო სალომე, დავშაშხოთ და ვჭამოთ ნელ ნელა. ხაჭაპურები გამოაცხე?

—კი, შენი ჭირიმე, ყველაფერი მზათ მაქვს. ღეთის მოცემული აღარაფერი გვიკლია.

—ეხლა კი შევექცეთ ვახშამს, ჩემო სიცოცხლე, თუ რამე გაქვს მოიტანე. ძილის დროა, საცაა გათენდება კიდევ.

სალომე საჩქაროდ წამოდგა, მოიტანა ხის პატარა სუფრა და დადგა ცეცხლის პირათ. მოიტანა ხაჭაპური, შემწვარი ქათამი, მჭადი და გააწყო



სუფრა. ბეკომ გვერდით დოქით ღვინო მოიდგა და ორთავენი ტკბილათ შეექცენ ვახშამს. გაათავეს ვახშამი.

—სალომე, ხეალ დილით გასალოცი მოამზადე, უნდა გავილოცოთ. სხვეზე ნაკლები ხომ არ ფართ.—ის წამოდგა თავისი სანადირო თოფი გასინჯა და კუთხეში მიაყუდა, რომ დილით გაესროლა.

სალომემ დააწყო გობზე ხაჭაპურები, ქათაჟი, ღორის ბეჭი და სხვა და დადგა იქვე ცეცხლის პირათ. ცოტა ხნის შემდეგ ორივე ჩაწვა და ტკბილ ძილს მიეცენ. ცეცხლი მიილულა, ოთახში ჩამოზნელდა.

ტკბილათ სძინავთ ბეკოს და სალომეს. მათი გული დამშვიდებით სძგერს. დილით ადრე სინჯარულით ადგებიან, გრძნობით ჩაკოცნიან ერთმანეთს და ახალ წელიწადს მიულოცავენ.

გაკაპასებული ქარი დაჭრილ ნადირივით ღმუის და უფრო და უფრო აყრის თოვლს. სოფელში სძინავთ, თეთრ სუდარში გახვეულ სოფელს გამძვინარებული სტიქია დაპატრონებია და განადგურებას უქადის.

ბეკოს ეზოს კარები ფრთხილათ გაიღო და ეზოში რამდენიმე თოფიანი მხედრი შევიდა.

უცბათ კარები ძლიერათ დააბრახუნეს, ბეკოს გამოეღვიძა, ჯერ კიდევ გონს ვერ მოსულიყო და ვერ გაეგო რაში იყო საქმე.

—სალომე! სალომე! ადე ჩქარა გავილოცოთ კიდევ გათენებულა, ვილაც მეზობელი მოვიდა—გამოაღვიძა მან ცოლი.

სალომემ თვალები დააჭყიტა, ვერ გაეგო რა ამბავი იყო.

კარები უფრო ძლიერათ დააბრახუნეს.

ბეკო ეხლა გამოერკვა, მან იგრძნო, რომ რაღაც კარგი ამბავი არ იყო.

ის საჩქაროთ მიიჭრა კარებთან.

— ვინა ხართ?

— გააღე ჩქარა კარები!— მოისმა გარედან ბრძანების ხმა.

ბეკომ რაღაც იგრძნო, ის შედგა და არ უნდოდა კარების გაღება. კარების ბრახუნი ისევ განმეორდა. გარედან მოისმა რამდენიმე მრისხანე ხმა.

ბეკომ გააღო კარები.

სახლში შემოვიდა ნაცვალი მაქსიმე და რამდენიმე თოფიანი მხედარი. ბეკო იქვე გაქვავდა, ენა ვეღარ დასძრა.

— რას გაჩუმებულხარ? არ გველოდი? არ იცოდი, რომ ღრამის ფულს გადაგახდევინებდნენ?

ათასჯერ რომ მომათრიე და ნებით არ მომეცე ეხლა ძალათ წაიღებენ. შეგრჩებოდა გეგონა?— გესლიანათ უთხრა ნაცვალმა და სახლი დაათვალიერა.

სალომე, თითქო მკვდარიაო, ისე განაბულიყო ლოგინში და შიშისაგან დაჭყეტილი თვალები მხედრებისთვის მიეშტერებია.

— ჰა, რას გაჩუმებულხარ, ჩქარა ფულები. ხომ ხედავ შენი გულისთვის ქუჩაში ვიციანებთ ახალ წელიწადს. შენ აქ არხეინათ იქეიფებ და ჩვენ მთელი სოფელი უნდა შემოვიაროთ. არ გადაიხადეთ ნებით და ახლა ზეკუცია ჩამოაყენეს და არჩინეთ.

—მაქსიმე, შენი ღვთის გულისთვის ორი დღე მაცალე. თავი რომ მოჭრა ეხლა ერთ კაპეიკს ვერ ვიშოვნი. ახალი წელიწადი გამათენებე და მერე ჩემის ხელით მოგიტან.

—არ მაქ, რომელია? თუ ფული არ გაქ ჩვენ ვიშოვნით წასაღებს ბრახიანათ წარმოსტევა მან და მხედრებს ანიშნა.

ხელათ მოედევნ სახლს. გადოათრიეს გობიდან სალომეს დამზადებული საახალწლო ხაჭაპურები და ქათმები. გადმოიღეს ჯამ ქურჭელი, ბეკოს ჩოხა ახალუხი, სალომეს კაბა და ერთათ მოუყარეს თავი წასაღებათ. ბეკო გაშეშებული იდგა: გულზე ცეცხლი ედებოდა ამ სანახაობით და გიჟივით თვალებს აქეთ იქით ატრიალებდა.

მხედრებმა შეამჩნიეს სალომე. ერთი მათგანი მივიდა საბანი გადახადა და კისერ გაღვრილი მსუნავი თვალებით დააშტერდა. მისმა სილამაზემ და ბროლივით გულ-მკერდმა ყველანი დაათრო, კისერი დაიგძელეს და თითქო შექმა უნდაო ისე დააშტერდენ. ეს საკმარისი იყო ბეკოსთვის. ის ვეფხვივით გადახტა და რაც ძალი და ღონე ქონდა მხედარს მაგრა გაართყა, როცა მან თავი დახარა სალომეაკენ.

მხედრი დაბარბაცდა.

—საზიზღრებო! მხეცებო! სასოწარკვეთილი ხმით დაიღრიალა მან მიიბრინა კუთხეში და თოფს ხელი წამოაკლო ის იყო ჩახმახს დააცემინა, რომ ერთი მხედრისთვის გული გაეხვრიტა, როცა ის სალომეს გადაეხვია, რომ მეორემ ხელი აუკრა, თოფმა დაიჭეჭა და ტყვია ზუზუნით ჰაერში წავიდა. მხედრები გამხეცთენ პირზე ღორბლი მოადგათ. გაიპრიალა ჰაერში ხმაღმა და თავგაჩეხილი ბეკო იქვე დაეცა. ერთი დაიკვნესა და თვალები დახუჭა. მხედრებმა ლოგინიდან გადმოათრიეს გულ წასული სალომე და სისხლში მოსვრილ ბეკოს წინ აწამეს, მხეცური ჟინი დაიკმაყოფილეს, პერანგ შემოხვეული სალომე გაუნძრევლათ ეგდო იატაკზე.



—ბუნტოვჩიკი! ჩაილაპარაკე ერთმა მხედარმა, სისხლში მცურავ ბეკოს ფეხი წაკრა და ჩაიხითხითა. თითქოს აქ არაფერი მომხდარაო დასხედენ, შეადგინეს ოქმი, რომ სამსახური' დროს აირალით წინაღმდეგობის გაწევისთვის მოკლეს ბეკო ბილიკაძე, მოაგროვეს ნადავლი და არხეინათ გაუდგენ გზას.

—მომილოცნია! ღმერთმა მრავალ ახალ წელიწადს დაგასწროთ— გაიძახოდა იქვე ახლოს ეკლესიაში მღვდელი და სათნოების ნიშნათ ნაზათ წვერებზე ხელს ისვაძდა.

—ელი.

სალიტარასტარო მიმოხილვა.

IV

ბრძენი იყო და მდიდარი ეკლესიასტი. ყოველივე მას ემორჩილებოდა, ყოველისფერი იმის ხელთ იყო. მას არ გააჩნდა ისეთი სურვილი, რომლის განხორციელებაც მას არ შესძლებოდა. ქვეყნიური ბედნიერების, მხიარულებისა და სიამოვნების კარი მისთვის ფართტ იყო გაღებული და ქვეყნიური ნეტარებისა და სიტკბოების ზღვაში გულმხიარული დანაწარდობდა. ყოველივე აუსრულდა. ყოველისფერს მიაღწია, ყოველივე გამოსცადა, ყოველისფერი იგემა და, როდესაც ბოლოს დაეკითხა თავის თავს: რა არის ქვეყანა, რა არის ადამიანის ცხოვრებაო, ამაო ამოკბათა და ყოველივე ამოაო. აი მოკლე პასუხი მთელი მისი განვლილი ცხოვრებისა, მთელი მისი განცდილი ნეტარებისა.

სამყარო, ბუნება მეტათ რთული საიდუმლოებაა, სიცოცხლე კი მეტათ წუთიერი. დროს დასასრული არა აქვს, სივრცეს სამზღვარი, სამყაროს თავი და ბოლო, ჩვენი სიცოცხლე კი ელვასა ჰვავს,—გამოაშუქებს ერთს წამს და, სანამ ბუნებას საიდუმლოებას ოდნავაც მაინც მიუვახლოვდებოდეთ, ჩაჰკრება კიდევ.

ჩვენი დაბადება ჩვენ არ გვეკითხება, ჩვენი ნების, ჩვენი სურვილის გარეშე ვღებულობთ სახეს; ვცხოვრობთ, ვმხიარულობთ, ვიტანჯებით და ვკვდებით, ვჭრებით, ვისპობით სამუდამოთ, როგორც საკუთარი „მე“-ს მატარებელი პიროვნება და აღარასოდეს აღარ გავმეორდებით. დრო ივლის შეუჩერებლათ, დაუსრულებლათ; უსაზღვრო სივრცეში დაუსაბამო და დაუბოლოვო ბუნება მრავალ ცვალებადობას განიცდის, ჩვენი შეგნება, ჩვენი „მე“ კი აღარასოდეს აღარ იქნება.

ფუი! რა სისულელეა სიცოცხლეო, ძალაუნებურათ აღმოჰხდება ადამიანს, როცა ის ბუნების დაუსრულებლობას თავისი არსებობის წუთიერობას შეუდარებს.

სიკვდილის საშინელება იმაში კი არ მდგომარეობს, რომ „მე“ ისპოზა სამუდამოთ, არამედ უფრო და განსაკუთრებით იმაში, რომ „მე“ ისე ისპოზა, ბუნების საიდუმლოებას ვერ იგნებს. ვიბადებით, მაგრამ რისთვის, ჩვენ არ ვიცით; ვცოცხლობთ, მაგრამ რისთვის, ჩვენ არ ვიცით; რა არის სიცოცხლე, საიდან მოვდივართ, საით მივდივართ არაფერი ეს ჩვენ არ ვიცით, და სიცოცხლე ისე მოკლეა, რომ ვერასოდეს ჩვენ ამას ვერ გავიგებთ.

დროთა შეუწყვეტელ და დაუსრულებელ ბრუნვაში ჩვენ მხოლოთ ერთ წამს ვახელთ თავლებს, რომ ჩვენი სრული არარაობა ჩვენი ცხოვრების, მისწრაფების, სურვილების, განზრახვების ასიფუქე დაინახოთ და შემდეგ სამუდამოთ დავხუკოთ თავლები.

ფუი! რა სისულელეა სიცოცხლეო, ძალაუნებურათ აღმოჰხდება ადამიანს, როდესაც ის ყოველივე ამას გაითვალისწინებს.

სასოწარკვეთილებაში მყოფ ადამიანს სარწმუნოება ევლინება მანუგეშებლათ.

— ნუ გეშინია, ბუნების გარეშე ღმერთია დაუსაბამო და დაუბოლოო, მას ემორჩილება ყველფერი.

— სიცოცხლე წუთიერი სრულებითაც არ არის, ეს მხოლოთ ასე გეჩვენება. მართალია, შენ თავლებითა ხედავ, მაგრამ თავლები რომ დაგიღვება, აბა მაშინ გექნება საუკეთესო მხედველობა! მართალია, შენ ყურებით ისმენ, მაგრამ ყურები რომ დაგიღვება, აბა მაშინ გექნება საუკეთესო სმენა! მართალია, შენ გულითა, გრძნობ, მაგრამ გული რომ მოკვდება და დაგიღვება, აბა მაშინ უნდა უყურო შენი გრძნობებას გცხოველებას!

დაახლოვებით ამგვართ ანუგეშებს სარწმუნოება ადამიანს. ადამიანსაც სჯერა დაუჯერებელი, სწამს უწამებელი.

სხვა-და-სხვა სარწმუნოებრივ მოძღვრებათა უმეტეს ნაწილის მიზანს შეადგენს გამართლება, ახსნა და, აზრისა და შეგნებული ნების შეტანა იმ სისულელეში, რომელსაც ადამიანის სიცოცხლე ეწოდება.

სარწმუნოებას არ შეუძლია სიცოცხლის ახსნა ღვთაებრიობის იდეის გარეშე.

მოსკეთ ის აზრი, ის იდეა, რომ ღმერთი არსებობს, და მაშინ სარწმუნოება სრულებით უძლუ-

რია, სარწმუნოება უღვთოთ, შეუძლებელია. ღვთაებრიობის იდეის წარმოდგენაში სხვა-და-სხვა სარწმუნოებრივი შეხედულობანი შეგვიძლია დავ-ყოთ ორ ნაწილათ. ერთი ღმერთს აყენებს ბუნე-ბის გარეშე, როგორც უნივერსალურ გონიერ ნე-ბას და მას უმორჩილებს მთელს სამყაროს.

მეორე კი თვით ბუნებაში ჰხედავს ღვთის გა-ნსახიფტებას.

ნაკლი ორივეში დიდია, მაგრამ პირველი შე-ხედულება თანამედროვე ცოდნით აღჭურვილ ადა-მიანს სრულებით ვერ დააკმაყოფილებს. ჩვენ არ ვიცით, რა არის ბუნება, და გვინდა მისი ახსნა ბუნების გარეშე თვით არსი ღმერთით. ის კი გვა-ვიწყდება, რომ ჩვენ არ ვიცით, რა არის, ვინ არის თვით ღმერთი, და არც შეგვიძლია ამის ცო-დნა; ის უფრო გაუგებარია, ვიდრე ბუნება, რა-დგანაც ბუნების შესწავლა კიდევ შეიძლება, ღვთი-სა კი სრულებით არაა, — ღვთისა მხოლოდ რწმენა შეიძლება.

ამგვარათ გაუგებარი ბუნებას ახსნელათ ჩვენ ვქმნით იდეას გაუგებარივე ღვთაებრიობისას და საქმის გაადვილების მაგიერ კიდევ უფრო ვაძნელებთ, რადგანაც ერთი გაუგებრობის ალაგას ხელთა გვრჩე-ბა ორი გაუგებრობა.

სულ სხვაა მეორე გვარი შეხედულება. ის უარჰყოფს ღმერთს ბუნების გარეშე და ჰხედავს მას თვით ბუნებაში, ბუნების ყოველ საგანში, ბუნების ყოველ სხეულში, ბუნებას ყოველ ნაწილში, ბუნებას ყოველ მოვლენაში, ბუნების ყოველ სახეში. მთელი ბუნება ამ მოძღვრებით თვით ღმერთია. ამიტომ ეწოდება ამ მოძღვრებას პანთეიზმი (პან ბერძნულათ ნიშნავს სულ-ყველაფერს, თეოს კი ღმერთს). რისთვის დასჭირდა პანთეიზმს ბუნების გაღმერთება? ამით პანთეიზმს იმისი თქმა უნდა, რომ ბუნება მკვდარი, უაზრო, უნებო არსი კი არ არის, არამედ ცოცხალი, სულიანი, აზრიანი და ნებიანი. თუ დავთანხმეთ ამგვარ აზრს, მაშინ მთელი ბუნება, მთელი სამყარო ახსნილია თქვენ-თვის, ახსნილია სიცოცხლის საიდუმლოებაც. მთე-ლი ბუნება სცხოვრობს საკუთარი სიცოცხლით, ყოველი კერძო სიცოცხლე ნაწილია მსოფლიო სიცოცხლისა, ყოველი კერძო ნება ნაწილია მსო-ფლიო ნებისა, ყოველი კერძო აზროვნება ნაწი-ლია მსოფლიო აზროვნებისა. ყოველი კერძო გო-ნება ნაწილია მსოფლიო გონებისა. ბუნება უკვდა-ვია, უკვდავია მსოფლიო აზროვნება, ამიტომ უკვ-დავია ყოველი კერძო აზროვნებაც. ყოველი პი-როვნება, ყოველი „მე“ საკუთარ ხორციელ სახეს იცვლის სიკვდილის პროცესით, ხოლო ყოველი

კერძო აზროვნება, როგორც არა ხორციელი ყო-ფა — უკვდავია.

ვაჟაფშაველა, როგორც პოეტი, წმინდა წყლის პანთეისტი. სამყარო იმის პოეზიაში სულიერი არ-სებაა, ის უკვდავია, ჰფიქრობს, გრძნობს და აზრო-ვნებს.

სამყაროს ყოველი ნაწილი, ბალახი, ქვა სული-ერი ქმნილებაა.

რაც კი რამ დაუბადია უფალს სულიერ-უსულო ყველასაც თურმე ენა აქვს. არა ყოფილა ურჯულა.

ამ მხრივ ყველაზე უფრო საკუთრადღებოა ვაჟა-ფშაველას „გველის მქამელი.“

მთელი სამყარო გველის მქამელში უნივერ-სალული, უკვდავი სამარადისო სულის განსახიე-რებაა. მკვდარი, უსულო არასფერი არ არსებობს. ხე, ბალახი, ქვა, კლდე, წყალი ყველა ცოცხალი ქმნილებაა, ყველა აზროვნობს, ყველა ფიქრობს. მინ-დიას — ყვავილები, ბალახი ემუხსაფება, მინდიას ეს-მის ხის ტირილი, მისი გულის ტკივილი, მინდიას ეყურება ჩიტების ენა.

ყოველი არსება მხოლოდ სხვა და სხვა სახეა ზოგადი სულისა და ამგვარათ ყველა ქმნილებანი, ყველა სხვა და სხვა არსებანი მჭიდროდ არიან ერთ-ვანეთში შეკავშირებული და მსოფლიო სულში ერთდებიან.

სანამ მინდია გრძნობდა თავის თავს მსოფლიო სულს ნაწილათ, მისი ცოდნა, მისი გონიერება, მისი ძალა უსამზღვრო იყო.

მაგრამ მინდიამ უღალატა თავის რწმენას, მან შესწყვიტა კავშირი მსოფლიო სულთან და ერთბა-შათ დაჰკარგა ცოდნაც, ძალაც.

„გველის მქამელში“ ვაჟაფშაველა მარტო პო-ეტი კი არ არის, ის არის პოეტი-ფილოსოფოსი და თვისი ფილოსოფიური ხელოვნებით უახლოვდე-ბა შილდერს. ვაჟაფშაველა სწორეთ იმგვარივე პან-თეისტი პოეზიაშია, როგორც შილდერი.

ივ. გომართელი.

ხემაზი.

მინახავს მდელი, უცხო მდელი აყვავებული — ჩემი ქვეყანა, ნაზი, ტურფა, დამშვენებული. ქორფა ყვავილი, ქორფა ვარდი იკოკრებოდა, ბულბულს შესტრფოდა, იას ფრთებში ეკონებოდა. კუმნის მდელი, შავ-ღრუბლებით დაბნელებული, იქ აღარ იყო, იყო არე გაბრწყინებული. ქვეყნის მნათობი ტურფა მდელის სხივებს აფრ-ქვევდა,

ნაზი ბულბული ტკილათ სტვენდა, ყვავილს და-
 ჰყეფდა,
 მდელი ხარობდა, მთელი არე მხიარულობდა,
 სიცოცხლის ძალა იქ ტოკავდა, ნაკადულობდა.

* *

ზამთრის ნიაგმა, ცივმა ქარმა მდელი დაჰბერა,
 ფრთებო შეაქცნო, და სიტურფე მას გამოსტაცა,
 გლოვის ზეაწრი მკრთალ მიდამოს გადაეფარა,
 სდუმს არე-მარე, 'დუმს ბულბული, პირქუშობს
 ცაცა.

გულმა დაიწყო მწარედ კვნესა, მწარედ ქვითინი,
 სიცოცხლის ფრთები აწ სადღაა, მითხარ, მიდამო!...
 ნუ თუ სამუდმით ჩიტუნებმა შესწყვიტეს ლხინი,
 ნუ თუ მკერდ ღია გაზაფხულსა ვერ მივესალმო!!..

* *

რა, რა გაზინებს, შე საბრალო, გვერდით ხმა
 ისმის —
 წყვილიდით მოსილ სამყაროდან გამოძახილი;
 და ეს ხმა არის, ხმა მეგობრის, დატანჯულ გმირის,
 ხმა საიმედო, სასიცოცხლო გრძნობით აღვსილი.
 ბოროტმა ძალამ არ დამხოვა, ჯოჯოხეთს მიმცა,
 სიცოცხლის სხივი დასანახათ ზომნატრებია,
 მაგრამ არ ვტირი, მარად ვიცი, სუსხი ზამთრისა
 გაზაფხულის მზეს ვერასოდეს შეტბოვლებია.

* *

სალამს მოგიძღვნი, მეგობრებო, სიცოცხლის
 ფრთებო,
 დე, შავ-კედლებმა ყური უგდოს ჩემსა გულის
 თქმას ...
 და ახალ წელსაც მოგილოცავთ, ტანჯულ გვრი-
 ტებო,
 რომ კვლავ მზეს ეტრფით, კვლავად გვასმენ საი-
 მელი მას!..

ბ. გელა.

ურფიუნოს დღიუიდან.

31 დეკემბერი.

..... უკანასკნელი დღეა. კიდევ ერთი დამე
 და ძველი წელიწადიც ჩაბარდება პატრონს. ხვალ
 ახალ წელია. როგორ გულის ძივივით, როგორ
 სიხარულით ეგებებიან ამ ახალ წელიწადს უსუსუ-
 რი ადამიანები! აი ჩემი ოთახის სარკმლიდან გა-
 ყურებ ქუჩაში და ბრაზი მახრჩობს. რომ შემეძლოს
 გადავხტებოდი დავერეოდი ყველას, რომლებიც
 ასე გაფაციცებით ემზადებიან ახალ წლისათვის,
 თავბირს დავამტვრევდი, გამოვსტაცებდი ხელიდან
 ნავაქრს და ფეხით გავსთელავდი. ხა, ხა, ხა, აი
 ვილაც ღიზიანს უკან მოსდევს სხვა და სხვა სანო-

ვავით დასაპალებული მუშა. შეხედეთ რა ღიმილი
 უკრთის სახეზე? ხა, ხა, ხა, ახალ წელს ეგებება!
 ალბათ ყველას ის უხარია, რომ ერთი ნაბიჯი გა-
 დადგეს სამარისკენ... ხვალ ცბიერი ღიმილით ადა-
 მინები ერთმანეთს მიეგებებიან, ჩაკოცნიან, ზიუ-
 ლოცავენ ახალ წელს, უსურვებენ სიცოცხლეს,
 თეარ კბილეს უჩვენებენ, მეტის სიამოვნებისაგან
 თვლები აცრემლებათ, გულში კი მზათ არიან ერ-
 თი მეორეს საფლავი გაუთხარონ, დასამარონ, შე-
 სქამონ. რა საზიზღრები არიან ადამიანები! რომ
 შემეძლოს ყველას ერთი ხმლის მოქნევით დავაყ-
 რვეინებდი თავებს,.. აი დინჯათ მოაბიჯებს ჩემი
 მეგობარი ენუქა ხელტუკაძე. ტანთ ლამაზათ აც-
 ვია, თვლები დაუნაბავს და ერთის შეხედვით ნამ-
 დვილი წმინდანი გეგონება. ის საზოგადო საქმის-
 თვის თავდადებულია, ყოველივე პატიოსნებას და
 კაცთმოყვარეობის განხორციელებაა. აბა ყური და-
 უგდეთ მის ლაპარაკს: საზოგადო საქმისთვის თავ-
 დადება, პატიოსნება, უმანკობა, საკუთარი თავის
 გაწირვა და სხვა ამ გვარი შუშუნა სიტყვები მუ-
 დამ პირზე აკერია. ენუქას ძრვილ უყვარს ლაპა-
 რაკი. ოღონდ ალაპარაკეთ და თუ გინდა ათასჯერ
 გადაღქოლს რამდენჯერმე გაიმეორებს. ლაპარაკი,
 ლაპარაკი და ლაპარაკი.—აი ენუქას სატრფილო
 საგანი. საზოგადოებას მოსწონს მისი რახარუხი,
 ისიც ლაპარაკობს, სულ ერთია სადაც უნდა იყოს.
 ქექს, ქუხს. ის მუდამ სხვების საქციელს გმობს, ის
 კიცხავს ყოველივე უსამართლობას და ბოროტებას
 საზოგადოება მას გუნდრუკს უკმევს. საზოგადოე-
 ბას ის წმინდანი გონია, აღმერთებს. და ეს იმი-
 ტომ, რომ საზოგადოება ენუქას გულში ვერ ჩამ-
 ძვრალა და ვერ გაუგია როგორ სძგერს მისი გუ-
 ლი.

ენუქა საზოგადოების წინაშე ყოველივე კე-
 თილის განხორციელებაა. ეს საჭიროა მისთვის მისი
 სახელისთვის, ის სიამოვნებას გრძნობს, როცა სა-
 ზოგადოება მას აქებს. აბა ნახეთ ის, როცა საზო-
 გადოებას მოეფარება და მარტოკა ზის თავის ოთახ-
 ში. ის ნამდვილი დემონია, მისი გული ჯოჯოხე-
 თურათ სძგერს. მას იქ ვერვინ ხედავს, მას შეუძ-
 ლია თავისუფლათ იმოქმედოს. ის აქ სრულ თავი-
 სუფლებას აძლევს თავის სიკუთარ „მე“-ს, ის ამ
 „მე“-ს მონა მორჩილია და მისი გულისთვის მზათ
 არის არავითარ საშუალების წინ არ დაიხიოს,
 მზათ არის გაყიდოს მეგობარი, ფეხქვეშ გათელოს
 ის საზოგადოება, რომელიც მისთვის ასე საჭიროა.
 საზოგადოების წინაშე ის ენას ალაქლაქებს, სიწმინ-
 დეზე, პატიოსნებაზე და სხვა ამ გვარობაზე ქადა-
 გობს და საზოგადოების უკან კი ყოველივე საზი-

ზღრობას ჩადის, საზოგადოება ამას ვერ ხედავს და გუნდრუკს უკმევს, საზიზღარი!..

აგერ ნაზი, მშვენიერი არსება. როგორ მონარნარობს, მის თვალებში სიყვარულის ნაპერწკალი ღვივის. მთელი მისი არსება უმანკოების განხორციელებაა, ციდან ჩ. მოფრენილი ანგელოზია, საზოგადოებას ის ღმერთათ მიაჩნია, პატივსცემს. საზოგადოების თვალში ის უმანკო კრავია. მან იცის სად როგორ უნდა მოიქცეს. ის მუდამ კიცხავს სხვას, მუდამ უმანკოებაზე და სათნოებაზე ლაპარაკობს. ის სტყუის, თვალთმაქცობს საზოგადოების წინაშე, მის გულში ჩაძრომა არავის შეუძლია. ის არავის ნებას არ აძლევს გაიგოს მისი დაფარული აზრები. საზოგადოების იქით, ფარულათ ის ყოველივე გარყვნილებას განხორციელება, ის იქ თავისუფლათ სჩადის იმას, რაც სხვისთვის გასაკიცხია, მაგრამ ამას საზოგადოება ვერ ხედავს და პატივით და დიდებით ეპყრობა... საზიზღარი! ოჰ, რა კარგია ერთი გადავხტე ხელი წავუჭირო წვრილ კისერში და იქვე წავახრჩო... აი კიდევ მაღალ მაღალი ვაჟბატონი. აბა, ხვალ, ახალ წელიწადს უნდა უყუროთ მაგის „რკჩებს“. სიტყვებს სეტყვასავით წამოყრის უმაღლესი იდეალი, საზოგადო საქმისთვის თავის დადება, ამხანაგობა, მეგობრობა და სხვა ამ გვარი სიტყვები მუდამ მზათა აქვს. ის საზოგადოების ღმერთია, უმწიკვლო ადამიანია. აბა ამ დროს მის გულში ჩაახედეთ? ხა, ხა, ხა, ბრმანო! ბრმანო! იქ მის გულში ტარტაროზები ფერხულს უვლიან ამ დროს. ის მუდამ მზათ არის მისი სიტყვების წინააღმდეგ ყოველივე საზიზღრობა ჩაიდინოს, როცა მას არავინ ხედავს. საზოგადოების წინაშე ის სტყუის, ფლიდობს ეს მისთვის საჭიროა, მას არ შეუძლია საზოგადოების გარეშე ცხოვრება. მისთვის საჭიროა საზოგადო აზრი. ის საზოგადოებას ატყუებს, საზოგადოება მ.ს... ხა, ხა, ხა, საზიზღარნო! ფლიდობა, ორპირობა, გაუტანლობა— აი რა არის ყველას გულში დამარხული. მძაფხართ! მეზიზღებით ყველა!!...

აი ახალგაზდა ქალი და კაცი. ეტყობათ ცოლქმარი უნდა იყვენ. როგორ მზრუნველობით და სიყვარულით ექცევიან ერთი-მეორეს, თითქო უნდათ ერთი-მეორეს სულში ჩაუფრინდენ. როგორ გატაცებული სიყვარულით ჩასტყერიან ერთმანეთს თვალებში! საზოგადოება მათ ძაყვანს სცემს, ისინი სამაგალითო ცოლ ქმარნი არიან, სიყვარულის ნამდვილი განხორციელებაა ორივე. აბა შეიხედეთ მათ დაკეტილ ოთახში, როცა მარტონი არიან: კბილ დაკრეჭილნი და სიბრაზისაგან დორბლ მოსულნი სწეწვენ ერთმანეთს, მზათ არიან წაახრჩონ ერთმა-

ნეთი. სიცოცხლის თვითიველი წუთი მათთვის ჯოხითაა გადაქცეული, მთელ სიცოცხლეს მისცემენ ოლონდ თავი დაახწიონ ამ მოშხამულ სიცოცხლეს, მაგრამ საზოგადო აზრს ერიდებიან, საზოგადოების ეშინიათ. ეს ხდება მხოლოდ მათ დაკეტილ ოთახში, გარეთ, საზოგადოების წინაშე კი ისინი სამაგალითო ცოლ ქმარნი არიან და სიყვარულით ლოკავენ ერთი მეორეს. საზოგადოებას ეს მოსწონს, საზოგადოების თვალში ისინი ბედნიერი არიან. საზიზღრობა! რატომ აქვე ქუჩაში არ ეცემით ერთი მეორეს და არ გაწეწათ? რატომ არ შეგიძლიათ დაანახოთ საზოგადოებას თქვენი მოშხამული სიცოცხლე? საზოგადოება ამას არ მოიწონებს, საზოგადოებისთვის საჭიროა ცბიერათ თვალთმაქცათ მოიქცეთ მის წინაშე. მაშ, მიდით ოთახში და იქ წეწეთ ერთმანეთი. ხვალ, ახალწელიწად დილით, რომ საზოგადოებას დაანახოთ თქვენი ცრუ სიყვარული, ტკბილათ გადაეხვევით ერთმანეთს და უსურვებთ სიამით ცხოვრებას. რომ იცოდეთ, როგორ შეზიზღებით, ... ოჰ, რა ძნელია ყოველივე რწმენის დაკარგვა, ნამდვილი ურწმუნო ვარ, ურწმუნო თომა. ყველაფერს ექვის თვალით ვუყურებ, ვიცნობ ადამიანებს, გავიგე მათი ცბიერება... ხვალ, ახალ წელიწადს გრძნობით გადაგხვევა გულითადი მეგობარი, ძმობას, სიყვარულს გეფიცება, შენისთანა მას არავინ ყავს. დღეს შენი ერთგული მეგობარია, აბა ხვალაც ნახეთ, როგორ მოგექცეს, როცა შენ მისთვის საჭირო აღარა ხარ? ის მთელი საზიზღროების ბუდეა, მაგრამ ყველა ამას მოხერხებულათ ფარავს. ის მზათ არის ფეხ ქვეშ გაგთელოს, დაგწიხლოს, მაგრამ ისე კი რომ საზოგადოება ამას ვერ გაიგებს. მისთვის საჭიროა საზოგადო აზრი, აბა სცადეთ და პატივი დაიმსახურეთ საზოგადოების წინაშე, ის ეცდება გაგაშაოს, რადგან მას სურს საზოგადოება მარტო მას აღმერთებდეს, მას სურს შენზე მაღლა იდგეს. შენი გულითადი მეგობარი კიცხავს ყოველივე დაჩაგვრა-დამონაყებას, ერთობა-თანასწორობის მქადაგებელია. აბა ერთი ხელში ჩაიგდოს ბატონობა. ის მთელ თავის სისასტიკეს გამოიჩინს, რომ მასთან არავინ აფოფხედეს, რომ ის ყველაზე მაღლა იდგეს. ასეთია ადამიანის ბუნება... მე მყავს ერთი გულითადი მეგობარი ქრისტესია, მართლა გულითადი კი არ გეგონოთ, თვით ის მეფიცება გულითადი ვარო, თორემ მე ვიცი რაც შვილი არის. მეზიზღება, როცა მის მოქმედებას ვუყურებ, ვინც მას იცნობს, ვისაც ჩაუხედნია მის გულში დაინახავდა, რომ ყოველივე მის მოქმედებას საფუძვლათ უდევს მისი „მე“. საზოგადოებაში კი ლაქლაქობს, ჩემი საკუთარი „მე“

დმივიწყია და საზოგადო საქმისთვის თავს ვსდებო, საქმეს ვაკეთებო. რასაც აკეთებს, ყველაფერს იმიტომ აკეთებს, რომ სთქვან საქმეს აკეთებსო, მას საქმე კი არ აინტერესებს, საქმის სიყვარული კი არ აქვს, მას აინტერესებს საზოგადო აზრი, სახელი, დიდება, პატივის ცემა. რა საქმეში გინდათ ის რომ არ ეჩრება, რამდენი გინდათ, რომ ის არ ლაპარაკობს, ამხანაგებს ის მოსწონს, საზოგადოებას მოსწონს. ერთიც, მეორეც და მესამეც სტყუის.... ოჰ, რა ძნელია, როცა ადამიანს გულში ჩაძვრები და იქ დაფარულ აზრს გაიგებ, .. მე ეხლა ჰაერში ვარ გამოკიდული. აქ ფლიდობა, გაუტანლობა, იქ არაფერი. მაშ რა ვქნა? კედლებს ვახეთქო თავი?... ოჰ, როგორ ტკბილათ მომაგონდება განვლილი, ბაშური ცხოვრება, როცა ყველაფერი ისე მეგონა, როგორც ვხედავდი. მახსოვს როცა სიყვარულით დამთვრალი მივყდობდი თავს დედის მკერდზე და სულ-განაბული ვისმენდი მის ტკბილ ჭიკჭიკს... ქვეყანა სამოთხეთ მეჩვენებოდა, ადამიანები ანგელოზებათ. ჩემთვის აქაც სამოთხე იყო და იქაც. ჩემს გულში მტკიცე რწმენა იყო. მახსოვს, როგორ სასოებით აღვაპყრობდი ხელებს და გულით შეესთხოვდი ზეცას შეესრულებია ჩემი სურვილი და მტკიცეთ დარწმუნებულიც ვიყავი გამიგონებდა... ოჰ, რა ბედნიერი ვიყავი მაშინ! იმედი, რწმენა და სიყვარული მტკიცეთ ჩანერგული მქონდა გულში, არ ვიცოდი არაფერი, ბრმა ვიყავი... ეხლა? ეხლა კი ჩემი ცხოვრება ჯოჯოხეთია... ურწმუნო თომა ვარ... გარშემო ფლიდობა, ორპირობა, გაუტანლობა, ღალატი, ერთი მეორის დაჩაგვა დამონაგება... აი რას ვხედავ აქ... რა არის იქ? არ ვიცი... არაფერი... ადამიანებო! მეზიზღებით, მძაგხართ, მზათ ვარ ყველა ფეხ-ქვეშ გაგსრისოთ, კბილებით დაგლიჯო... მინდა ვიყვირო, რომ ყველა სტყუის, თვალთმაქცობს, მინდა ვიყვირო, რომ ხვალ ახალ-წელიწადს, გესლით, შხამ-ნადველით სავსე ტუჩებით შეეხებიან ერთმანეთს ადამიანები, უსურვებენ დიდხანს სიცოცხლეს, და შემდეგ კი ეცდებიან სიცოცხლე მოუსპონ ერთი მეორეს... მინდა ვიყვირო, მაგრამ ვისთვის? ან რისთვის? ვინ გაიგონებს?... გიჟს დამიძახებენ... ოჰ, რა ჯოჯოხეთი ტრიალებს ჩემს გულში!! მინდა შური ვიძიო, მარა ვისზე? ჩემი გული თითქოს ვიღაცას გამოუღრღნია, ტვინი გამოუქამია გულის ალაგას ცარიელ ადგილს ვგრძნობ, ...ჰაერში ვარ გამოკიდული, ჰაერში!... მრწამს ხოლოდ ერთი—სანამ ჩემი დიდრონი კბილები ვარგა უნდა ვდექო საქმელი, ეს ჩემი სხეულისთვის საჭიროა, სანამ ჩემი თვალები კოსროდან

არ გამოვარდნილა უნდა ვიყურო და დაგინახო ყოველივე სისაძაგლე, სანამ ჩემი ყურები არ დაფსებულა გავიგონო ყოველივე საზიზღრობა... მერე კი ჭიალუა გაძლება ჩემი სხეულით. მორჩა და გათავდა. აი ჩემი მრწამსი... მძაგხართ, მძულხართ ყველა... მეზიზღება თქვენი ხვალინდელი ახალწლის მიგებება და ცბიერი ღიმილი... მე მინდა თქვენ მოგიშხამოთ ხვალინდელი დღე, მე მინდა თქვენ ცბიერ ახალ წელს ოდნავ ჩრდილი მივაყენო... მაშ, ფ რნის ბოძზე!.. აჰა, თოკიც!... როცა ეკლესიიდან სახლისაკენ გაეშურებთ, რომ გოზინაყით პირი ჩაიტკბრუნოთ ჩემმა გამოკონწიალებულმა უსულო გეამმა, გადმოგდებულმა ენამ, დახტენილმა კბილებმა და გადმოკუჭულმა თვალებმა მოგიშხამოთ წუთი... ეს იქნება ჩემი შურის ძიება... აჰა, მიედივარ!...

ირეთელი.

ამონაკვნესი.

წყევლიადს ფრთები გაუშლია ზესკნელსა და ქვესკნელს შორის, აღარ მესმის მოძახილი საიმედო გულის სწორის!
 ირგვლივ შავათ გადაშლილა არე მარე ყრუ და ცივი...
 შენ კი... სად ხარ განთიადო? მომაშველე შენი სხივი!...
 ჩუ! აქ დემონს ჩაეცინა...
 ზევით ჯაღო მიმოფრინავს...
 მუხრუჭს უჭერს უკუნეთი და ძარღვებში სისხლსა ჰყინავს...
 ირგვლივ ჰკვნესის... ირგვლივ გჳინავს არე მუნჯი! არე ცივი!
 გამიჭირდა, განთიადო, მომაშველე შენი სხივი!..


ნ. ზომბეთელი.

მიყვარს ადგილი...

(ვუძღვნი კარ—ს).

ლექსი პროზათ.

მიყვარს იქ ყოფნა, იმ დაბურულ ფიჭვიან ქედზე! ხშირათ ვეწვევი, სალამს ვუძენი ვეალერსები და გულის ძვერით შევეტრფობი ნაცნობ მიდამოს. შენ არ გინახავს, მეგობარო, იქ რო პატარა, ნაძვებით გარეშემორტყმული მინდორი არი? თვითონ პატარა, ოთხკუთხედი, ყვავილოვანი,



თითქოს ზეციდან მოწყვეტილა, შვენებით სავსე, თან სილამაზე სამოთხისა წამოულია და, ვით გულის თქმის და გრძობების მესაიდუმლე, ნაზათ გაშლილა ამ მშვენიერ ქოჩრიან ქედზე. გარშემო მცველათ, ვით ფრთოსანი ანგელოზები, ქორვა, უმწიკვლო ნაძვის ხენი შემომწყვრიულან, თითქო ცდილობენ უცხო თვალისა რომ დაიფარონ ყვავილოვანი, მშვენიერი, ტურფა ადგილი, ძირს ყვავილები, სხვა-და-სხვაფრათ აქრებულნი, ხელგადაქდობით ტყის ნიაფთან მუსაიდუმბენ!... ოჰ, რა კარგი ხარ, სილამაზე, ბუნების შეილო, მის საიდუმლო კალთების ქვეშ შობილ-აღზდილო!!..

არ მახსოვს სწორედ, როდის იყო... ერთხელ, შეადღისას, როცა მზის სხივი უხვად ეკრა მიწის ზედა პირს, მეც სიცხისაგან მიბნედილი, სულ-შეხუთული, ვხეტილოდი იმ ქედის მიდამოებში.

უცებ წავაწყდი ამ მშვენიერ ტურფა სამყოფელს... შევკრთი, შევჩერდი და სულის თქმას ვედარ ვიბრუნებ... მიკჩრებავარ ამ ს:მოთხის ნაწყვეტ ადგილსა... ეჰ, დარღვეულა საიდუმლო ხელთუხლებლობა! მინდორზე, ნაზათ, მომხიბლავი, მშვენების მქონე ქალწული მარტოდ ჩაფიქრებით წამოწოლილა... გვერდით წითელი ქოლგა უდევს, ხოლო წინ წიგნი და მას ჩასტკერის სიტკბოებით გატაცებული. დიდხანს ვუცქერი, ის ვერ მხედავს... დრო გადის... მსურს მთლათ შევეცურდე ამ მშვენების უფსკრულ მორევში! ჩემს არსებაში რაც სიწმინდის სიმები არის, სუყველა ერთად, აწყობილათ იწყებენ ჟღერას!... ფეხი გადავდგი, დავარღვიე მით მყუდროება, თამამად მიველ აგზნებული, მივესალამე, გვერდით მოუჯექ ნაცნობ ქალწულს, არ მოვერადე და ასე ვუთხარ: „მე არ მინდოდა დამერღვია ეს მყუდროება! დიდხანს გიქვრეტდი, განვიცდიდი შენსა სიტურფეს, თვით ამ ბუნების მშვენებასთან მკიდროთ ჩაქსულსა... ბოლოს ვერ ვაგქელ, მომესურვა ვარდის დაყნოსვა და შენთან მოველ, მხედავ, აქ ვარ გატაცებული! მსურს მოგეხვიო, მკერდს მიგიკრა, მოგეალერსო... მაგრამ იცოდე, რომ ეს გრძობა, ჩემგან მოძღვნილი, კელაპტარია სამსხვერპლოს წინ გაჩაღებული!!“

თუ რომ გინახავს შუა მაისში მწვანე ჯეჯილი, ნიავის ქროლით მინდვრის პირზე აღელვებულნი, — ისე ქალწულის ბროლის მკერდმა რხევა დაიწყა, ორი მოზრდილნი მარგალიტნი წამოიშალენ, ვნებათაღელვამ თვალზე ლული გადააფარა და ნაკვთად მისი ჩამოსხმული თეთრი ხელები აგზნებით ჩემკენ მოსახვევათ გადმოიხარენ!!!..

შენ თუ გული გაქვს, შეგიძლიან წარმოიდგინო, რა ნეტარებას განვიცდიდი იმ დროს უსი-

ტყვოდ! დაბურულს ტყეში, ადამიანის ჟღერამულსა განშორებულნი, საუცხოვო და სანეტარო ყვავილოვანზე, ვიჯექ სევდების არა მკოდნე, ტრფობით ავისილი და ხელში მეპყრა ტურფა ქალი მშვენებით სავსე: თმა წამოშლოდა, და მის თეთრ მკერდში ხელი ჩამეყო.

გადაიყარა უცებ ქალმა გულის გრიგალი, მკერდზე მიმექლო გაბედულათ, უფრო თამამად და შემეკითხა: ხედავ, ჩემო ეხლა შენთან ვარ! მითხარ რას ითხოვ ჩემგან, ანუ რაგვარ სიყვარულს? მე წინდა წინვე მზათ ვარ ყოველი აგისრულო გრძობა მორეულს!...

— ქალო, არ იცი, რა გვარს ვითხოვ შენგან სიყვარულს? მსურს იყო ჩემთვის შენ ემბლემა უკოდველობის, ჩემს არსებაში წმინდა სიმებს კვლავ აიწყობდე, ხელს ჩამოკრავდე, აჟღერებდე, ააკვრებდე... მე ვერ წავარამევე, ჩემო ტურფავ, უმანკოებას, არ მსურს, რომ დასტკნე, ვითა ვარდი, ჩემგან წყვეტილი. მე მსურს წალკოტში ვარდი იყოს, ტურფად ყვაოდეს, იმას დავეყნოსდე... მაგრამ ხელით კი არა ვწყვეტავდე!!!..

ტურფა წამოდგა; მწარე კილოთ გადინარხარა, წიგნსა და ქოლგას მზრუნველობათ მოაგლო ხელი და წასვლისა წინ ასე რიგათ მახალა სიტყვა:

— ეს სიყვარული სადაური სიყვარულია? ხა, ხა, ხა! მოგვედი, სიცილითა ფერდი მეტკინა!.. ..

სალამოს ჟამსა მხიარული ჩემი ქალწული სხვას მიყვებოდა ქედის პ:რ:პირ ხელ გამოყრილი.

მოკვდა ის ჩემთვის, არ არსებობს, დავასამარე და არც ვოგონებ იმის სახეს თვალ წარმტაცს, მაკდუროს... ხოლო ადგილი მიყვარს იგი!!!

ოჰ, მეგობარო. რაზედ გიკვირს ესე ამბავი? როს ამ მიდამოს ვესტუმრები, მე ვეღარ ვითმენ, აღტაცებითა ამ ტურფა ველს მივესალამები და დიდხანს ვუცქერ... იცი რატომ? მიყვარს ადგილი, სადაც ისე თავდავიწყებით განვიცადე მე წმინდა გრძობა, სიტკბოს მომფენი.

ეს მოგონება ჩემთვის არის ხარკი უშრეტი, ზეცით მოძღვნილი და ჩემ მიერ აქ აკრეფილი!!!..

დავასამარე ტურფა ჩემი, ჩემი ქალწული, მაგრამ მე მაინც მიყვარს იგი ხსოვნის ადგილი!!!

ფ. რუშაველი.

გ ა ლ უ ი.

ზაფხული იყო. ბაღსა წაღკატში ვარდი საამოთ იფურჩქნებოდა, მის სურნელებს დამთარბებელი ანუ მიდამოს ეფინებოდა.

შხეფების მსრბელი მთის ნაკადული
 ჯაღათ მხრტოდ, მაკისკასობდა
 და ნაზ უღორტიან ფერად ვეჯილეხს
 სხეჯალის ცვრებით ეხეურებოდა!

ამ სანახავით მთვრალ იადონსა
 ნეტარებისა ცრემლი სდიოდა
 და ამ მშვენებით ეშხ მარეული
 უცხო ჰანგებზე მამოჭკიოდა.

მანსაკეს, ჯამაზო, ამ დიად სურათს
 ჩვენც ადტაცებით შევსტრფიალებდით,
 გიჟი ოცნებით გატაცებულნი
 გრძნობათა სიმებს ვაწკრიალებდით.

შენს ნაწნაკ სახეს მთვარის სხივები
 აკრთობებუელი გარდაჭეფენდენ
 და შავნი თვალნი სასიუყარულათ
 ციმციმ-გაშკაშით გამოჭკრებდენ.

ამის შემეურეს მთრთოლვარე გულში
 მიდვიდებოდა სხივი ციური,—
 ფარვანასაგებ თავს გველებოდა
 წმინდა სიუყარულს მწეურებუელი.

შენც უდმობელი ნაზათ მტგეუდნო
 ჩემსა გვერდზედა ზატარა თავი,
 ოცნების ზღვაში მიმომცურავათა
 გეგონა იყო იგი უკვდავი.

*
 * *

განგლო დრო უამმა. . გავედ კვლავ ბადში
 მაგრამ სატრფოფ იქ აღარ იუაკი
 და ოცნებისა ფრთებ დამსხვრეული
 ფიქრები მიფლობდა მწვავ სატანჯავი.

ორგვლივ კი ისევ სურნელს ჭეფენდენ
 ვარდ-ზამბახ ის ნაზი სუმბული;
 უცხო ჰანგებზე ჭეფედენ, ჭკიოდენ
 შაშვ-იადონი... ტკბილი ბულებული.

დ. იურდოსპირელი.

ფხიზელი ღარაჯი

(დასასრული. იხ. „სს.“ № 3)

ხაწე ერთხანს გარინდებულებით იღვა და თვა-
 ლები უბრწყინავდა. მას გულში მოსვდა დათვის
 ამბავი. ხაწე სწორედ ნადირობას ტრფიალი იყო,
 მისი ფიქრი და ოცნება სულ იარაღს დასტრიალებ-
 და; თოფის მუსუსი იყო სწორედ, მაგრამ მისი მო-
 კლული ნადირი კი არვის ენახა.

აიღებდა მაგაზინკას, აიღანს ან ბერდანკას და
 მთელი დღე დაწინაწლობდა თავის კოჭლის ფეხით
 ტყე-ღრეში. შიში არ იკოდა რა იყო და დაღლი-
 ლობა ხომ სულ უცნობი ხილი იყო მისთვის.

— ღმერთს მადლობა, ძალიან ბედი მაქ. სანა-
 დიროთ რა წახვალ, ო თხი-ხუთი მაინც უნდა ნა-
 ხო!—მეტყოდა ხოლმე ხაწე ბავშურის, ნეტარის
 ღიმილით და თეთრ კბილებს გაჟოაჩენდა.

— მაშ, სროლა არა გკოდნია თუ კი ვერა
 ხოცავ!

— დეველერტუ, (ღმერთმანი) ნიკოი, ბერდან-
 კით შაურთანს გავხვრეტავ, ტყვიას შიგ ბეჭედში
 დავკრავ!—მიპასუხებდა ხაწე და ხელებს ისე ასწევ-
 და, თითქო ესაა ეხლა ესვრისო.

სროლა მართლაც რომ კარგი იკოდა, მაგრამ
 ყველას აბუჩადა ჰყავდა აგდებული. ტყისკენ მიმა-
 ვალ თოფიან ხაწეს რომ დაინახავდენ, მიძახებდენ
 ხოლმე:

— ხაწე, ურემი სად დავახვედროთო?
 მეტად გულნატკენი იყო ხაწე თავის ბედზე,
 მაგრამ რას გააწყობდა. მამის სიტყვებმა კი რალაც
 იმედი შეაშუქეს მის გულში. იქნებ ეხლა მაინც
 გამილიმოს ბედმაო.

ხაწე ერთბაშად გატრიალდა სახლისკენ, დე-
 რეთანში გამოიტანა ბერდენკა და წმენდა დაუწყო.
 მთელი დღე მოუსვენარ მოლოდინში დაღამა ხა-
 წემ, ერთ ადგილზე ვერა ჩერდებოდა და სულ უა-
 ზროდ ტრიალებდა.

დაღამდა. ნახირი უკვე დაბრუნებულიყო სოფ-
 ლად და აქა-იქ ეზოებში ჩხრიალ-ჩხრიალი გაუ-
 დიოდა რძეს თიხის ჯამფილებში და კათხეში.

ხაწეც მზათ იყო. შიგნით—გარედან გაწმენ-
 დილი ბერდენკა აედო, სახვე პატარანტაში სამხა-
 რულად გაეკეთებინა, თავისი განუყარელი მეგობა-
 რი—გრძელი ხანჯალი გაელესა, ბულდოგის რე-
 ვოლვერი ჩამოეკიდნა, ყველის ნაჭერი და ხმიადი
 წითელ ხელცახობით წელზე შემოეკრა, მხრებზე
 დურა ტყავი მოეგდო და თავის კოჭლის ფეხით
 ჩუმათ მოიპარებოდა—რომ არავის დაენახა—წის-
 ქვილის წყლისაკენ, იქიდან კი კობიოს სერის სი-
 მინდებისაკენ.

მაღე ავიდა ხაწე თავის სიმინდში, სულ ერთი
 ვერსის მანძილზე თუ იქნებოდა სოფლიდან. აღმა-
 დაღმა მიმდგარ სიმინდებსა და სიმინდებ შუა, დარ-
 ჩენილ ყამირზე იღვა ერთი დაბეჭებული პანტა,
 იმაზე იყო გაკეთებული საყოველწლოდ საყარაუ-
 ლო.

ხაწეც აფოფხდა ამ მაღალ, კისერ წამოხრილ,

ქოჩორ-დაკაფულ პანტაზე თავის ბარგი-ბარხანით და დარჩენილ ტოტებ-გახლოართულ და ფუჩეჩ-დაყ-რილ პანტის ქოჩორს კოდალასავით ზემოდან მო-ექცა.

მყუდრო საღამო იყო.

ნამგლის პირივით გაღეული და მორკალული მთვარე მკრთალ შუქსა ჰფენდა ქობიოს ფერდობებს.

ლურჯ, კამკამა ცაზე ვარსკვლავები ალმასის თვალეზივით ციმციმებდნენ.

აქა-იქ, უმტვერო ქალღმერთის სვეტაკი ღრუბლის ნაგლეჯები დაცურავდა.

ნიავე ოდნავ ჰქროდა და ხაწეს თვალწინ გადამწვანებულ სიმინდს ზღვასავით აღელვებდა.

ღურა ტყავ წახურული, პირქვე წაწოლილი ხაწე სმენად გადაქცეულიყო. ბერდანკა გვერდით მოედო და მოუსვენარ მოლოდინში ფუჩეჩებში გახვეულ წვეკო თამბაქოს, მარცხენა ხელში შემალულს, მალი-მალ აბოლვებდა.

მთვარე რა ხანია მიეფარა ქობიოს კუდს. ლეგა ღრუბლების ქარავანი გამოეფინა ცის კამარაზე და მობეჭუტავ ვარსკვლავებს პირსაბურად გადაეფარა. ჰაერში გაბნეული სუსტი სინათლე ტყის წყვილადს ებრძოდა.

შუალამე კარგა გატეხილი იყო, მარა დათვი კი არსადა სჩანდა, ლოდინით გაბეზრებულმა ხაწემ გახსნა თავისი ხელცახოცი და ერბოიან ყველსა და ხშიადს ნელ-ნელა შეექცა. მისი ფიქრი კი მხოლოდ დათვის გარშემო ტრიალებდა. ცაზე წამოგრაგნილი ღრუბლები საგონებელში აგდებდნენ ხაწეს, მარა ატყობდა რომ წვიმის ღრუბლები არ იყო და გულს იმშვიდებდა. დანაყრების მერე კვლავ გაახვია სიმინდის ფუჩეჩში წვეკო თამბაქო და გააბოლა.

— ვთქვათ, აი ბილიკზე ჩამოვიდა დათვი, გა-არჩევ კი სანიშნეთ?— ფიქრობს ხაწე და ბილიკის მხარეს ნიშანში იღებს.

— ღმერთის მადლმა მიაკლავ!— აიმედებს თავის თავს, თუმცა ნიშანში ვერაფერს არჩევს.

— დაქრილი დათვი რო პანტაზე ამოვიდეს?— გაუელვა ფიქრმა და უნებლიეთ ხანჯალს ამოსწია, რევოლვერი მოიმარჯვა, ბუდის ღილი გაუხსნა, მარცხენა ხელის თითებში პატრონები გაიკეთა და ღიმილით ჩაილაპარაკა.

— მოვიდეს! და მხარტეძოზე წამოწვა. საომრად მზათაა ხაწე, მარა ვერანა დათვი არსადა სჩანს.

— იქნება სული დაიყარა? იქნებ ნიავე სწორეთ იმ სერისკენ მიაქანებს პაპიროზის ბოლს, საიდანაც დათვი უნდა ჩამოვიდეს და გეზი შეაცვლივინოს?— გაიფიქრა ხაწემ პაპიროზს დააფურთხა და გადააგდო.

წამოწოლილი ხაწე საოცნებო ფიქრებშია გართული!

ვითომც მან უკვე მოკოა კიდევ დათვი, ვითომ ურმით ჩა-ტანა სოფელში და ეზოში დაუწყო ტყავება. მთელი სოფელი მოაწყდა იმათ გზოს. ქალი და კაცი, დიდი და პატარა ერთმანეთში ირევიან.

გეიზკა, მისი გულის თქმა, შველის ნუკრივით მაღაზი, შავთვალა გეიზიკაც იქ არის და, ქალაღია გაფრიალებული ლოყებ დაბზაწული, ხაწეს ახლა სულ სხვა, ეზის თვალით უყურებს... გუშინ არ იყო, ორლობეში საღამო რო მისცა ხაწემ, გეიზიკამ ტუჩები აიბრუწა და თავი იქით შიილა?.. დღეს კი, ღმერთო ჩემო, რა ბედნიერია ხაწე... მისი ტოლ-ამხანაგები კი ჯავრით გულზე სკდებიან და ოხუნჯობით ცდილობენ ხაწეს სახელი დაჩრდილონ.

— დეღერ ღუ, მკვდარი უბოვია სადმე!— ამბობს იდა და იცინის.

— ო, მე და ჩემა ღმერთმა!— უდასტურებს მოხუცი წოვენარგი ღიმილით და ხალხში საერთო სიცილია... დათვმა წამოიწია და ტოტებზე შედგა. ხალხი დაფთხა და წივილ-კივილით გარბის... დი-თვი კი ბღღვინავს და ანგრევს იქაურობას.

— შრრრ-შრრ-შრრრ-შრ!.. უცბათ გაისმა შრი-ალი და ლაწალუწი.

ხაწე ფეთიანივით წამოჯდა, თვალეზზე ხელი მოისო, ყური დაუგდო. სიმინდებისკენ მართლაც ისმოდა ლაწალუწი და შრიალი.

— ღმერთის მადლმა ვერ წამიხვალ! წამოიძახა ხაწემ და თვალის დახამხამებაზე დაიგრილა თოფმა.

გაიზუზუნა ტყვიამ მიყურებულ წყვილადში.

ხაწე კი გამაღებელი ისროდა იმ მხარეს საიდანაც ლაწალუწი ესმოდა.

— ვაააჰ! ვაააჰ!— გაისმა ღრილი და დაკოდი-ლი მხეცი ხაწეს პანტას მორგვივით წამოაწყდა. დააყარა ხაწემ ზემოდან ტყვია და ხმა ჩაკმენდინა. მაგრამ სიმინდებში კვლავ ისმოდა ლაწალუწი-შრიალი.

— ორნი ყოფილან ეს ვერანები!— გაიფიქრა ხაწემ და ახლა მეორეს მოუერთო სროლა.

— ვააჰ! ვააჰ!—გარსმა კვლავ გმინვა და დაკოდლი ნადირი სიმინდებშივე ჩაიფეხვა; გმინავდა როგორც განგმირული, მამაკვდავი ადამიანი. მაგრამ ხაწეს იმისთვის აღარ ეცალა: კიდევ მოალაწუნებდა სიმინდებში. ხაწეც ისროდა და ისროდა ბერდანკას, სანამ მისი ღრიალიც არ შემოესმა. დაკოდლი ხან აღმა ეცა, ხან დაღმა და გმინვით პანტას წამოაწყდა...

ხაწეს ფერმა გადაჰკრა, თმები ყალბზე დაუდგა; მაგრამ მაინც ისროდა გაშმაგებული:

— მუ!. ოოეეე!—ისმოდა ხმა ქვემოდან, რომელსაც დაკოდლითა გმინვა უპასუხებდა,

— აჰაჰაჰაჰ!. ოჰოოოოჰე!. ბიჰო!. მიშიეღეთ ბიჰოო!. დათვებმა შემქამეს, ბიჰოოო!. აჰაჰაჰე!. — ხრინწიანის ხმით გადაჰკიოდა შეშლილივით გამხდარი ხაწე და შეგლას ემუდარებოდა სოფელს. ყოველი ხე, ყოველი სიმინდის ღერო დათვად გადაიქცა მის თვალში და ისროდა გამუღმებით, სანამ პატრონები სულ არ დაცალა.

ახლა კი იგი ცალ მუხლზე წამოჩოქილი, თვლებ-დაქყეტილი წუთ-წუთ მოელოდა დაკოდლი დათვების პანტაზე აფხოტებას, ცალ ხელში რევოლვერი მოემარჯვებინა, მეორეში ამოღებული ხანჯალი და გამწარებით გადაჰკიოდა სოფელს.. დაკოდლი ნადირები კი პართლაც ეფხოტებოდნენ ხაწეს პანტაზე. ახანზარებდნენ, მაგრამ ასვლით კი ვეღარ აღიოდნენ. ხაწეს გარშემო იდგა საზარელი გმინვა და სიკვდილის შემაზრზნელი ქშინვა.

მთელა სოფელი ფეხზე დადგა. დაიძრა ამოდნო ხალხი, ვინ ვის ასწრებდა, ვის ნაჯახი, ვის მაჭახელი, ვის დამბაჩა, ვის ბერდანკა, ვის აილანი, ვის ხანჯალი, ვის კეტი. ყველაზე წინ, ბრძოლის ადგილას, ხაწეს მამამ ბულაკამ მიიბრინა. ის შუალამისას დაბრუნებულიყო ახმეტიდან, საქონელი ურმის ყელზე საბლით დაეზა, თითონ კი, დაქანცული, ისევე დერეფანში მიწოლილიყო. პირველ ტკბილ ძილში იყო. როდესაც სიზმარივით შემოესმა თოფის ხმა და ხაწეს გამწარებული კივილი ბულაკამ მიიბრინა პანტასთან სიფრთხილით, თოფ-მომარჯვებულმა და შორიდან შესძახა:

— აჰაი, ხაწეე!. რა ამბავია ბიჰო?!

— ოოვხ!..—ძლივს წაილულლულა ხაწემ და ენა ჩაუარდა.

ბულაკა მიუახლოვდა პანტას, დააცქერდა უცბად შემკრთალი შედგა, და ელდა ნაკრავივით გამოტრიალდა სახლისაკენ.

ისეთი გადაფითრებული, ისეთი დამწუხრებული, ისეთი სახე-შეშლილი იყო იმ წუთს ბულაკა,

რომ გზად შემოხვედრილი, გულხეუქებით შორბინალე მეზობლები ვერც კი ბედავდნენ ეკითხათ, თუ რა ამბავი იყო ხაწეს თავზე. ბოლოს მოხეტყებულმა ხუტიმ და გაუბედა:

— რა ამავია, ბულაკავ, ხაწეს ხო არა ენო რა. — ხაწე.. მომიკვდა! — მოკლედ, ხელის ჩაქნევით უპასუხა ბულაკამ და გზა განაგრძო.

სიფრთხილით მიუახლოვდა ხალხი ბულაკას ახოს, ალყა შემოჰკრეს. ბევრი უძახეს ხაწეს, მარა პასუხი არ ისმოდა,

მივიდნენ ახლო პანტასთან, მაგრამ რა სანახაობა წარმოუდგა იმათ თვალებს: ბულაკას, შვილივით ნაზარდი, ზაქები ღიძლ შვილზე უძვირფასესი მოამაგენი სასიკვდილოდ განგმირულნი ეყარნ პანტის ძირას და სულთბრძოლაში საცოდავთა გმინავდნენ. ხაწე კი გარინდებულიყო შტერივით, თვლებ დაქყეტილი პანტის კენწეროზე..

ხალხი მეტათ შეაწუხა ამ სანახაობამ. ხაწე ჩამოიყვანეს ძირს. საბრალო სანახავი იყო. მან მხოლოდ ეხლა დაინახა თავისი შეცდომა: სირცხვილმა დასწვა, ჭირის ოფლმა დაასხა.

ხალხი კი დასტრიალებდა ამ საცოდაობას და იდგა ერთი ვიწვიში. თუმცა შიგა-და-შიგ ეგსლიანნი ოხუნჯობაც ისმოდა.

— ღმერთის მადლმა, მარჯვედ კი უსროლია, ოთხი-ხუთი ყველასა აქვს დაკრული! — ჩა-ლაპარაკა იდამ.

— აჰაი, მარჯავ, გოურ იავ! (ჰაი, ჩოყალ, ცხენი ჭამიაო) — იოხუნჯა ლაბაიმ და საერთო სიცილი გამოიწვია.

დაქრილ ზაქების საცოდაობამ ყველანი შეაწუხა და ყვლები დასჭრეს.

მას მერმე ხაწე საყოველთაო, ცნობილ გმირად გახდა. მთელმა ხეობამ შეიტყო მისი დარაჯობის ამბავი, მისი მარდი და სწორი სროლა, მისი უდრეკელი გულადობა და ვაჟკაციური გამბედაობა.

საწყალი ხაწე!
 რა საბრალოთ, რა მწარეთ, რა თავის უბედოლის დამადსტურებლათ გაიღიმებოდა ხოლმე, როდესაც ტოლ-ამხანაგები გაახსენებენ.

— ხაწე, როგორ იყო, ოთხი დათვი რო ერთად დახოცეო?!..
 — საწყალი ხაწე!

ნარკანი.

რედაქტორ — გამომც. ე. ტურაბელიძე.

განსხვავებული



კაზმული მწერლობა — მხატვრობა — მუსიკა — თეატრი.

„ფასკუნჯი“

სალიტერატურა — სამხატვრო შუიანალი 1910 წლის

იანვრიდან გამოვა თვეში ერთხელ თვიური ჟურნალის სახით. „ფასკუნჯი“ დაიბეჭდება მოთხრობები, ლექსები, პიესები; კრიტიკული და ისტორიული წერილები კაზმული მწერლობის, მხატვრობის, მუსიკის და თეატრის შესახებ; ხელოვნების ქრონიკა, და

სურათები

ფერადი და ფოტოტიპური ერთფერი.

„ფასკუნჯი“ განსაკუთრებულ ყურადღებას მიაქცევს ქართული ხელოვნების ნაშთებს.

გარდა ჟურნალისა ყოველს ხელის-მომწერს, რომელიც მთლად გადაიხდის წლიურს ფასს, საჩუქრად მიეცემა.

შოთა რუსთაველის

დიდი ფერადი სურათი (11—8 ვერს. ზომით)

„ფასკუნჯი“ მონაწილეობს იღებენ: აკაკი, კ. აბაშიძე, შ. არაგვისპირელი, განდევილი, ი. გომართელი, ი. ევდოშვილი, ან. ერისთავი-ხოშტარია, ნ. ლომაური, ნ. ნაკაშიძე, ი. ნიკოლაძე თ. რაზიკაშვილი, გრ. რაბაქიძე, ა. სარაჯიშვილი, სიტყვა ზ. ფლიაშვილი, ი. ფანცხავა, ალ. ხახანაშვილი, ვ. შალიკაშვილი, ალ შანშიაშვილი, ტ. შვეარდენაძე კ. ყიფიანი, გრ. ყიფშიძე და სხვ.

ჟურნალის სამეურნეო ნაწილის (ბეჭედა, დასურათება და სხ.) გამგენი არიან: კ. მესხიშვილის ლიტოგრაფია და „სორაპანის“ სტამბა.

ჟურნალის ფასი; წლით 5 მან., 6 თვით 3 მან. წლიური ფულის გადახდა შეიძლება ნაწილ-ნაწილად: თავში 2 მან, მაისში 2 მან. და სექტემბერში 1 მან.

ჟურნალი ნომრობით არ გაიყიდება.

ხელის-მოწერა მიიღება ტფილისში: კ. მესხიშვილთან, სორაპანის სტამბაში და წ.-კ. საზოგადოების მალაზიაში პროვინციაში აგენტებთან.

ფოსტის ადრესი Тифлисъ, типографія „Сорapanи“

რედაქტორ-გამომცემელი ს. შირაძეა.

ჟურნალში დაიბეჭდება: მოთხრობები (როგორც ორიგინალური, ისე ნათარგმნი) ლექსები, კრიტიკული წერილები ლიტერატურაზე და სხვა.

მონაწილეობას მიიღებენ: ნ. აზიანი, ახსნი-რელი, ბ. გელა, კ. გოგოლაძე, ივ. გომართელი, ნ. ზამქუთელი, მ. იასამანი, ზ. ირეთელი, ა. ლაღიანი, ლეო, რ. ლეხუელი, ვ. მაღაქაშვილი, ი. ნიკოლაიშვილი, ა. რაქვინიძე, ტ. რამიშვილი, ვ. რუხაძე, ფ. რუმევილი, ვ. ტუქსიშვილი და სხვანი.

ჟურნალი ელირება:

ერთი წლით —	— 5 მან.
სახევარი წლით —	— 2 მ. 50 კ.
ერთი თვით —	— 50 კაზ.
თითო ნომერი —	— 10 კაზ.

ვინც მთელი წლით გამოიწერს და იანვრის გასვლამდე სრულად შემოიტანს ფულს

პრამიათ ბაზაზავნება სტამბიანი მოთხრობა სახელი ვოლგის ნაპირზე

წიგნი ხედიის მომწერლებს თებერვლის დამდეგს დაურიგდებათ აგრეთვე დიკემბრის ნომრები უფასოთ გაეცავენება.

რედაქციასთან მოლაპარაკება და აგრეთვე ჟურნალის გამაწერა შეიძლება თბილისში: სჯეჭვასის ქ. ვერაზე სახლი № 1. „გუტტენბერგის“ სტამბის კანტორაში დიდის 10 საათიდან 3 საათამდე და საღამოს 5—7-მდე.

„მომავლი“ ს რედაქციაში ზ. კაჭანდაძესთან წიგნის მდარა „ადიონში“. ვსილ კადილასთან კირიხნი ქ. № 9.

ქალაქ ვარეთ:

ქუთაისში—წიგნის მდარა „იმერეთი“ ი. კვიციანიძესთან.

სამცრედიაში—რკ. გზის შკაფში ე. კამაღვიშვილთან.

ჭიათურაში—მასწ. ვ. ხურადქესთან.

ბათუმში—რკ. გზის შკაფში გ. მახარაძესთან.

ოზურგეთში—წიგნის მდარა მ. თაღაჯაძესთან.

ჩოხატაურში—წიგ. მად. ს. თავართქილაძესთან.

ხიდიისთავში—ე. ლომთათიძესთან.

სად ავიაკაბულში—გარდენ ეიფიანთან და რკინის გზის ვეველს სადგურებზე, სადაც წიგნის შკაფებია.

წერილები და ფული დროებით ამ ადრესით უნდა გამოიგზავნოს: Тифлисъ, Типографія Печатное дѣло Вельяминовская № 6. ул. Поліевкту Антоновичу Каландадзе.